

dar kumet, Jch vergich öch me were das ich / in den vorgeschriben drin jaren zû dem vorgeschribenen<sup>d</sup> gûte hett, oder han welte kain ansprach, oder tail ald gemain vordroti, so sol der vorbenemte alber min brüder / oder sin erben ob er nit were, vs ðnsrem gemainem gûte nemen es si ligendes oder varendes vor vs als vil das vierzig<sup>e</sup> pfunde gûter Costenzer pfenning wert si, vnd erber / lûte sprechent das es vierzig pfunde wol mug wert sin, vnd was des vbrigen ðnsers gemainen gûtes ist, das sùllint wir denne gelich tailen mitainander<sup>f</sup>, vnd was / gûlte ich denne von disem hûtigen tag in disen vorgeschribenen drigen jaren machon oder von minen wegen vfstat, die sol ich öch sunderlich von minem tail mins / gûtes gelten vnd richten, vnd sol er da mit nit ze schaffen han noch kain sin erbe, Es ist öch gerett vnd mit gedingoten sachen zû bracht, were das ich in den / vorgeschriben drin jaren kâme mit drisig pfunden gûter Costenzer pfenning vnd dù laite vnd antwort zû ðnsrem gemainem gûte wenne das beschâche, so sol mir — / gelicher tail alles ðnsers gûtes behalten sin, vnd nit vorbehept werden mit kainen sachen, Jch han öch mir selben verdingot<sup>g</sup> vnd<sup>h</sup> mit tadin- gon behalten, wenne ich / nach den dikbenemten drinen<sup>i</sup> jaren kum, vnd rechten tail an ðnsrem vorbenemten gemainem gûte vorderon vnd tailen wil, des sol mir nieman vor sin noch / vorhaben mit kainen sachen, Es were denne das ich vbergangen. hett das vorgeschriben ge- dinge, Vnd das dis alles das hie von mir an disem brief geschriben stat / war vnd stât belibe des ze vrkünd wan ich nit insigels han, so han ich gebetten Johansen von Sigberg<sup>3</sup>, vnd Swiggern vaist- lin minen vettern<sup>k</sup>, der des / vorbenemten albers mins brüder vnd sines vettern erbon, in dirre sache mit minem gûten willen sin sol da vor got si das alber min brüder in den obgeschriben drin / jaren verfür, ir rechter vogt, das sù baide durch minen willen ir aigenü in- sigel gehenket hant an disen brief, dar vnder ich mich bind vnd wil- leklich verbunden han war / vnd stât ze hand was an disem brief von mir geschriben stat, das wir baide Johans von sigberg vnd Swigger vaistli getan habin, durch des dikbenemten hainrich / vaistlins